

大乘起信论裂网疏 科判

马鸣菩萨 造 大周于闐三藏实叉难陀奉 制译 灵峰藕益沙门智旭 述

释道净 整理 1 稿 qq 973451196 校对

表 0: (表) 总表

(依 台湾佛陀教育基金会 2012 年 5 月版 校对)

科判				论文																						
初、释题 【经卷上】疏卷一				大乘起信论 马鸣菩萨 造 唐三藏法师实叉难陀译																						
甲一、敬述意分二	乙一、偈颂分二	丙一、归凭三宝		归命尽十方，普作大饶益，智无限自在，救护世间尊；及彼体相海，无我句义法，无边德藏僧，勤求正觉者。																						
		丙二、述造论意		为欲令众生，除疑去邪执，起信绍佛种，故我造此论。																						
乙二、长文分二	丙一、重述意		论曰：为欲发起大乘净信，断诸众生疑暗邪执，令佛种性相续不断故造此论。																							
	丙二、正立科		有法能生大乘信根，是故应说。 说有五分：一、作因，二、立义，三、解释，四、修信，五、利益。																							
乙一、作因分二 (表 1)				丙一、正明八因 丙二、释疑明意分二																						
乙二、立义分二 (表 2)				丙一、标 丙二、释分二																						
丙一、立科		云何解释分？ 此有三种，所谓显示实义故、对治邪执故、分别修行正道相故。																								
戊一、总标二门		此中显示实义者，依于一心有二种门，所谓心真如门、心生灭门。此二种门各摄一切法，以此展转不相离故。																								
		己一、释心真如门分二 (表 3-1)				庚一、正释此心真如相分二 庚二、即示大乘体分二																				
释此为二	二、释文分三	甲二、正说五分分五	乙三、解释分二 疏卷二	丙二、正解分三	丁一、显示实义分三	戊二、各释二门分二	己二、释心生灭门分二	庚一、正释此心生灭因缘相分二	辛一、明染净熏习分三	壬一、正释心生灭分三	癸一、标名列义	心生灭门者，谓依如来藏，有生灭心转。不生灭与生灭和合，非一非异，名阿赖耶识。此识有二种义，谓能摄一切法，能生一切法。复有二种义：一者、觉义，二者、不觉义。														
											子一、释觉义分三 (表 3-2)	丑一、总立本始两觉		丑二、别辨本始两觉分二		丑三、总显四种大义										
												子二、释不觉义分二 疏卷三 (表 3-3)		丑一、总明不觉依觉故无实 丑二、别示不觉虚妄相												
											癸三、总辨同异分二 (表 3-4)						壬二、明生灭因缘分二		癸一、明迷染因缘 (表 3-5)		癸二、明悟净因缘分二 (表 3-6)					
											壬三、辨生灭之相分二 (表 3-7)						辛二、明染净熏习分四 疏卷四 (表 3-8~9)		壬一、总标熏习义		壬二、释熏习染法分二		壬三、释熏习净法分二		壬四、结判断与不断	
											庚二、显示大乘体相用分二								辛一、显示体相分二 (表 3-10)				辛二、显示用分三 (表 3-11)			
																			戊三、结示不离分二 (表 3-12)							
											丁二、对治邪执分二 【经卷下】疏卷五 (表 3-13)								丁三、分别修行正道相分二 (表 3-14~15)							
											乙四、修信分二 疏卷六 (表 4-1~4)				丙一、正明修习信心分二				丙二、更示胜异方便分二							
											乙五、利益分四 (表 5)				甲三、结施回向				我今已解释，甚深广大义，功德施群生，令见真如法。							
甲三、结施回向																										

表 1: (1 表)【经卷上】疏卷一 乙一、作因分二

科判			论文
乙一、作因分二	丙一、正明八因		此中作因有八：一、总相，为令众生离苦得乐，不为贪求利养等故； 二、为显如来根本实义，令诸众生正解故； 三、为令善根成熟众生不退信心，于大乘法有堪任故； 四、为令善根微少众生，发起信心至不退故； 五、为令众生消除业障，调伏自心离三毒故； 六、为令众生修正止观，对治凡小过失心故； 七、为令众生于大乘法如理思惟，得生佛前，究竟不退大乘信故； 八、为显信乐大乘利益，劝诸含识令归向故。
	丙二、释疑分二	丁一、释疑分二	戊一、总释 此诸句义大乘经中虽已具有，然由所化根欲不同，待悟缘别，是故造论。
		戊二、别释	此复云何？谓如来在世所化利根，佛色心胜，一音开演无边义味，故不须论。佛涅槃后，或有能以自力，少见经而解多义；复有能以自力，广见诸经乃生正解； 或有自无智力，因他广论而得解义；亦有自无智力，怖于广说，乐闻略论摄广大义而正修行。
丁二、明意		我今为彼最后入故，略摄如来最胜甚深无边之义，而造此论。	

表 2: (1 表)【经卷上】疏卷一 乙二、立义分二

科判			论文
乙二、立义分二	丙一、标		云何立义分？谓摩诃衍略有二种，有法及法。
	丙二、释分二	丁一、释有法	言有法者，谓一切众生心。是心则摄一切世间、出世间法，依此显示摩诃衍义：以此心真如相，即示大乘体故； 此心生灭因缘相，能显示大乘体、相、用故。
		丁二、释法分二	戊一、释大 所言法者，略有三种： 一、体大，谓一切法真如，在染在净，性恒平等，无增无减，无别异故； 二者、相大，谓如来藏本来具足无量无边性功德故； 三者、用大，能生一切世、出世间善因果故。
	戊二、释乘义		一切诸佛本所乘故，一切菩萨皆乘于此入佛地故。

表 3-1: (15 表)【经卷上】疏卷二 己一、释心真如门分二

科判			论文	
己一、释心真如门分二	庚一、正此真相分二	辛一、正法体分二	壬一、借言诠法 心真如者，即是一法界大总相法体，以心本性不生不灭相。一切诸法，皆由妄念而有差别；若离妄念，则无境界差别之相。是故诸法从本已来，性离语言，一切文字不能显说；离心攀缘，无有诸相；究竟平等，永无变异，不可破坏，唯是一心，说名真如。	
		壬二、显法离言	故从本已来，不可言说，不可分别，一切言说唯假非实，但随妄念无所有故。言真如者，此亦无相。但是一切言说中极以言遣言，非其体性有少可遣、有少可立。	
	辛二、明随顺悟入		问曰：若如是者，众生云何随顺悟入？ 答曰：若知虽说一切法而无能说所说，虽念一切法而无能念所念，尔时随顺妄念都尽，名为悟入。	
	庚二、即大乘分二	辛一、略标释		复次，真如者，依言说建立有二种别： 一、真实空，究竟远离不实之相，显实体故； 二、真实不空，本性具足无边功德，有自体故。
		辛二、广释成分二	壬一、释空义	复次，真实空者，从本已来，一切染法不相应故，离一切法差别相故，无有虚妄分别心故。 应知真如，非有相，非无相，非有无相，非非有无相；非一相，非异相，非一异相，非非一异相。略说，以一切众生妄分别心所不能解故，立为空。据实道理，妄念非有，空性亦空，以所遮是无，能遮亦无故。
壬二、释不空义		言真实不空者，由妄念空无故，即显真心；常恒不变，净法圆满，故名不空。亦无不空相，以非妄念心所行故，唯离念智之所证故。		

表 3-2: (15 表)【经卷上】疏卷二 子一、释觉义分三

科判			论文	
子一、释觉义分三	丑一、总立本始两觉		<p>言觉义者，谓心第一义性，离一切妄念相。 离一切妄念相故，等虚空界，无所不遍，法界一相，即是一切如来平等法身。 依此法身，说一切如来为本觉。 以待始觉，立为本觉。 然始觉时，即是本觉，无别觉起立。 始觉者，谓依本觉有不觉，依不觉说有始觉。</p>	
	寅一、辨始觉义分三	卯一、总标浅深	又以觉心源故，名究竟觉；不觉心源故，非究竟觉。	
		卯二、详示浅深	<p>如凡夫人，前念不觉起于烦恼，后念制伏令不更生；此虽名觉，即是不觉。 如二乘人及初业菩萨，觉有念、无念体相别异；以舍粗分别故，名相似觉。 如法身菩萨，觉念、无念皆无有相；舍中品分别故，名随分觉。 若超过菩萨地，究竟道满足，一念相应觉心初起，始名为觉；远离觉相微细分别究竟永尽，心根本性常住现前，是为如来，名究竟觉。 是故经说：若有众生，能观一切妄念无相，则为证得如来智慧。</p>	
		卯三、明浅深无性	<p>又言心初起者，但随俗说，求其初相终不可得。心尚无有，何况有初？ 是故一切众生不名为觉，以无始来恒有无明妄念相续未曾离故。 若妄念息，即知心相生、住、异、灭皆悉无相；以于一心前后同时皆不相应，无自性故。 如是知己，则知始觉不可得，以不异本觉故。</p>	
	寅二、辨本觉义分二	卯一、标二相		<p>复次，本觉随染，分别生二种差别相： 一、净智相，二、不思議用相。</p>
		卯二、释净智相分二	巳一、示相	净智相者，谓依法熏习，如实修行，功行满足，破和合识，灭转识相，显现法身清净智故。
			巳二、释成	<p>一切心识相即是无明相，与本觉非一非异，非是可坏，非不可坏。 如海水与波，非一非异，波因风动，非水性动；若风止时，波动即灭，非水性灭。 众生亦尔，自性清净心，因无明风动，起识波浪；如是三事皆无形相，非一非异，然性净心是动识本。 无明灭时，动识随灭，智性不坏。</p>
		辰二、释不思議用相	<p>不思議用相者，依于净智，能起一切胜妙境界，常无断绝。谓如来身具足无量增上功德，随众生根，示现成就无量利益。</p>	
	丑三、总显四种大义		<p>复次，觉相有四种大义，清净如虚空明镜： 一、真实空大义，如虚空明镜，谓一切心境界相及觉相，皆不可得故。 二、真实不空大义，如虚空明镜，谓一切法圆满成就，无能坏性。一切世间境界之相皆于中现，不出不入，不灭不坏，常住一心。 一切染法所不能染，智体具足，无边无漏功德为因，熏习一切众生心故。 三、真实不空离障大义，如虚空明镜，谓烦恼、所知二障永断，和合识灭，本性清净常安住故。 四、真实不空示现大义，如虚空明镜，谓依离障法随所应化，现如来等种种色声，令彼修行诸善根故。</p>	

表 3-3: (15 表)【经卷上】疏卷三 子二、释不觉义分二

科判		论文
子二、释不觉义分二	丑一、总明不觉依觉故无实	<p>不觉义者，谓从无始来，不如实知真法一故，不觉心起而有妄念。然彼妄念自无实相，不离本觉。犹如迷人，依方故迷；迷无自相，不离于方。</p> <p>众生亦尔，依于觉故而有不觉，妄念迷生。然彼不觉自无实相，不离本觉， 复待不觉以说真觉。不觉既无，真觉亦遣。</p>
	丑二、别示不觉虚妄相	<p>复次，依于觉故而有不觉，生三种相，不相舍离： 一、无明业相，以依不觉，心动为业；觉则不动，动则有苦，果不离因故。 二、能见相，以依心动能见境界，不动则不见。 三、境界相，以依能见妄境相现，离见则无境。以有虚妄境界缘故，复生六种相： 一、智相，谓缘境界生爱、非爱心。 二、相续相，谓依于智，苦乐觉念相应不断。 三、执著相，谓依苦乐觉念相续而生执著。 四、执名等相，谓依执著分别名等诸安立相。 五、起业相，谓依执名等，起于种种诸差别业。 六、业系苦相，谓依业受苦，不得自在。 是故当知，一切染法悉无有相，皆因无明而生起故。</p>

表 3-4: (15 表)【经卷上】疏卷三 癸三、总辨同异分二

科判		论文
癸三、总辨同异分二	子一、标	复次，觉与不觉有二种相：一、同相，二、异相。
	子二、释分二	
	丑一、释同相	<p>言同相者，如种种瓦器，皆同土相；如是无漏无明种种幻用，皆同真相。是故佛说：一切众生无始以来常入涅槃。菩提非可修相，非可生相，毕竟无得，无有色相而可得见。见色相者，当知皆是随染幻用，非是智色不空之相，以智相不可得故。广如彼说。</p>
	丑二、释异相	<p>言异相者，如种种瓦器，各各不同；此亦如是，无漏无明种种幻用相差别故。</p>

表 3-5: (15 表)【经卷上】疏卷三 癸一、明迷染因缘

科判		论文
癸一、明迷染因缘	子一、总明依心故转	复次，生灭因缘者，谓诸众生依心意识转。
	子二、别释意及意识分二	
	丑一、意	<p>此义云何？以依阿赖耶识，有无明不觉起，能见、能现、能取境界分别相续，说名为意。</p> <p>此意复有五种异名： 一名业识，谓无明力不觉心动。 二名转识，谓依动心能见境相。 三名现识，谓现一切诸境界相。犹如明镜现众色像，现识亦尔，如其五境对至即现，无有前后，不由功力。 四名智识，谓分别染净诸差别法。 五名相续识，谓恒作意相应不断，任持过去善恶等业令无失坏，成熟现未苦乐等报使无违越，已曾经事忽然忆念，未曾经事妄生分别。 是故三界一切皆以心为自性，离心则无六尘境界。何以故？一切诸法以心为主，从妄念起。凡所分别皆分别自心，心不见心，无相可得。是故当知，一切世间境界之相，皆依众生无明妄念而得建立，如镜中像，无体可得；唯从虚妄分别心转，心生则种种法生，心灭则种种法灭故。</p>
	丑二、意识	<p>言意识者，谓一切凡夫依相续识，执我、我所，种种妄取六种境界。亦名分离识，亦名分别事识，以依见、爱等熏而增长故。</p>

表 3-6: (15 表)【经卷上】疏卷三 癸二、明悟净因缘分二

科判			论文	
癸二、明悟净因缘分二	子一、总明悟有浅深		无始无明熏所起识，非诸凡夫、二乘智慧之所能知。解行地菩萨始学观察，法身菩萨能少分知，至究竟地犹未知尽，唯有如来能总明了。	
	丑一、总明义深		此义云何？ 以其心性本来清静，无明力故染心相现，虽有染心而常明洁，无有改变。 复以本性无分别故，虽复遍生一切境界而无变易。以不觉一法界故不相应，无明分别起生诸染心。 如是之义甚深难测，唯佛能知，非余所了。	
	子二、详释浅深差别分三	丑二、别示次第分二	寅一、释正悟次第二	卯一、明离染心次第
			卯二、明离不觉次第	
	寅二、转释相应不相应义		相应义者，心分别异，染净分别异，知相缘相同。不相应义者，即心不觉，常无别异，知相缘相不同。	
	丑三、结示二障		染心者，是烦恼障，能障真如根本智故。无明者，是所知障，能障世间业自在智故。 此义云何？ 以依染心，执著无量能取所取虚妄境界，违一切法平等之性。 一切法性，平等寂灭，无有生相； 无明不觉，妄与觉违，是故于一切世间种种境界差别业用皆悉不能如实而知。	

表 3-7: (15 表)【经卷上】疏卷三 壬三、辨生灭之相分二

科判		论文
壬三、辨生灭之相分二	癸一、正分别	复次，分别心生灭相者，有二种别： 一、粗，谓相应心； 二、细，谓不相应心。 粗中之粗，凡夫智境； 粗中之细及细中之粗，菩萨智境。 此二种相，皆由无明熏习力起，然依因依缘： 因是不觉，缘是妄境。 因灭则缘灭。缘灭故，相应心灭；因灭故，不相应心灭。
	癸二、问答释疑	问：若心灭者，云何相续？若相续者，云何言灭？ 答：实然。今言灭者，但心相灭，非心体灭。 如水因风而有动相，以风灭故，动相即灭，非水体灭。 若水灭者，动相应断，以无所依、无能依故。 以水体不灭，动相相续。 众生亦尔，以无明力令其心动； 无明灭故，动相即灭，非心体灭。 若心灭者，则众生断，以无所依、无能依故。 以心体不灭，心动相续。

表 3-8: (15 表)【经卷上】疏卷四 辛二、明染净熏习分四

科判		论文		
壬一、总标熏习义		复次，以四种法，熏习义故，染净法起无有断绝： 一、净法，谓真如；二、染因，谓无明； 三、妄心，谓业识；四、妄境，谓六尘。 熏习义者，如世衣服，非臭非香，随以物熏则有彼气。 真如净法，性非是染，无明熏故则有染相。 无明染法，实无净业，真如熏故说有净用。		
壬二、 释熏染 法分二	癸一、正明熏义	云何熏习染法不断？所谓依真如故而起无明，为诸染因。 然此无明，即熏真如；既熏习已，生妄念心。 此妄念心，复熏无明，以熏习故不觉真法；以不觉故，妄境相现。 以妄念心熏习力故，生于种种差别执著，造种种业，受身心等众苦果报。		
	癸二、释义差别	妄境熏义有二种别：一、增长分别熏，二、增长执取熏。 妄心熏义亦二种别： 一、增长根本业识熏，令阿罗汉、辟支佛、一切菩萨受生灭苦； 二、增长分别事识熏，令诸凡夫受业系苦。 无明熏义亦二种别： 一、根本熏，成就业识义；二、见爱熏，成就分别事识义。		
辛二、 明染净 熏习分四	癸一、 正明 熏义	云何熏习净法不断？ 谓以真如熏于无明，以熏习因缘力故，令妄念心厌生死苦，求涅槃乐。 以此妄心厌求因缘复熏真如，以熏习故则自信己身有真如法本性清静，知一切境界唯心妄动毕竟无有。 以能如是如实知故，修远离法，起于种种诸随顺行，无所分别，无所取著。 经于无量阿僧祇劫，惯习力故，无明则灭； 无明灭故，心相不起；心不起故，境界相灭。 如是一切染因、染缘及以染果，心相都灭，名得涅槃，成就种种自在业用。		
		子一、释妄熏义别	妄心熏义有二种别： 一、分别事识熏，令一切凡夫、二乘厌生死苦，随已堪能趣无上道； 二、意熏，令诸菩萨发心勇猛，速疾趣入无住涅槃。	
	癸二、 释义 差别分二	丑一、标	真如熏义亦二种别：一、体熏，二、用熏。	
		卯一、 正释	体熏者，所谓真如从无始来，具足一切无量无漏，亦具难思胜境界用，常无间断熏众生心。 以此力故，令诸众生厌生死苦，求涅槃乐，自信己身有真实法，发心修行。	
			辰一、 问	问：若一切众生同有真如等皆熏习，云何而有信、不信者？ 从初发意乃至涅槃，前后不同无量差别，如是一切悉应齐等。
		寅一、 释体 熏分二	巳一、直 约无明 烦恼厚 薄释	答：虽一切众生等有真如，然无始来无明厚薄无量差别，过恒沙数我见、爱等缠缚烦恼亦复如是，唯如来智之所能知故，令信等前后差别。
卯二、 释疑	辰二、 答分二		又诸佛法有因有缘，因缘具足，事乃成办。 如木中火性，是火正因；若无人知，或有虽知而不施功，欲令出火焚烧木者，无有是处。 众生亦尔，虽有真如体熏因力，若不遇佛诸菩萨等善知识缘，或虽不修胜行、不生智慧、不断烦恼，能得涅槃，无有是处。 又复虽有善知识缘，内无真如熏习因力，必亦不能厌生死苦、求涅槃乐。要因缘具足，乃能如是。 云何具足？谓自相续中有熏习力，诸佛菩萨慈悲摄护，乃能厌生死苦，信有涅槃，种诸善根，修习成熟；以是复值诸佛菩萨示教利喜，令修胜行，乃至成佛入于涅槃。	
子二、 释真 熏义 别分三	丑二、 释分二			

表 3-9: (15 表)【经卷上】疏卷四 辛二、明染净熏习分四

辛二、明染净熏习分四	壬三、释熏习净法分二	癸二、释义差别分二	子二、释真熏义别分三	丑二、释分二	寅二、释用熏分二	卯一、略标	用熏者，即是众生外缘之力。有无量义，略说二种：一、差别缘，二、平等缘。	
						卯二、各释分二	辰一、释差别缘	差别缘者，谓诸众生从初发心乃至成佛，蒙佛菩萨等诸善知识，随所应化而为现身：或为父母，或为妻子，或为眷属，或为仆使，或为知友，或作怨家，或复示现天王等形，或以四摄，或以六度，乃至一切菩提行缘；以大悲柔软心、广大福智藏，熏所应化一切众生，令其见闻及以忆念如来等形增长善根。此缘有二：一、近缘，速得菩提故；二、远缘，久远方得故。此二差别复各二种：一、增行缘，二、入道缘。
							辰二、释平等缘	平等缘者，谓一切诸佛及诸菩萨，以平等智慧、平等志愿，普欲拔济一切众生，任运相续，常无断绝。以此智愿熏众生故，令其忆念诸佛菩萨，或见或闻而作利益；入净三昧，随所断障得无碍眼，于念念中，一切世界平等现见无量诸佛及诸菩萨。
						丑三、结判	此体、用熏复有二别：一、未相应，二、已相应。未相应者，谓凡夫、二乘、初行菩萨，以意、意识熏，唯依信力修行。未得无分别心修行，未与真如体相应故；未得自在业修行，未与真如用相应故。已相应者，谓法身菩萨得无分别心，与一切如来自体相应故；得自在业，与一切如来智用相应故。唯依法力任运修行，熏习真如，灭无明故。	
壬四、结判断与不断						复次，染熏习从无始来不断，成佛乃断。净熏习，尽于未来毕竟无断。以真如法熏习故，妄心则灭，法身显现，用熏习起故无有断。		

表 3-10: (15 表)【经卷上】疏卷四 辛一、显示体相分二

科判		论文
辛一、显示体相分二	壬一、正显示	复次，真如自体相者，一切凡夫、声闻、缘觉、菩萨、诸佛无有增减，非前际生，非后际灭，常恒究竟；从无始来，本性具足一切功德。谓大智慧光明义、遍照法界义、如实了知义、本性清净心义、常乐我净义、寂静不变自在义。如是等过恒沙数非同非异、不思議佛法，无有断绝，依此义故名如来藏，亦名法身。
	壬二、释疑	问：上说真如离一切相，云何今说具足一切诸功德相？ 答：虽实具有一切功德，然无差别相。彼一切法皆同一味、一真，离分别相，无二性故。 以依业识等生灭相，而立彼一切差别之相。此云何立？ 以一切法本来唯心，实无分别，以不觉故，分别心起，见有境界，名为无明；心性本净，无明不起，即于真如立大智慧光明义。 若心性见境，则有不见之相；心性不见则无不见，即于真如立遍照法界义。 若心有动，则非真了知，非本性清净，非常乐我净，非寂静，是变异不自在，由是具起过于恒沙虚妄杂染； 以心性无动故，即立真实了知义，乃至过于恒沙清净功德相义。 若心有起，见有余境可分别求，则于内法有所不足； 以无边功德即一心自性，不见有余法而可更求，是故满足过于恒沙非异非一、不可思議诸佛之法无有断绝。故说真如名如来藏，亦复名为如来法身。

表 3-11: (15 表)【经卷上】疏卷四 辛二、显示用分三

科判		论文
辛二、显示用分三	壬一、正明用即真如	<p>复次，真如用者，谓一切诸佛在因地时，发大慈悲，修行诸度、四摄等行，观物同己，普皆救脱，尽未来际不限劫数。</p> <p>如实了知自他平等，而亦不取众生之相。</p> <p>以如是大方便智，灭无始无明，证本法身，任运起于不思議业种种自在差别作用；</p> <p>周遍法界与真如等，而亦无有用相可得。何以故？一切如来唯是法身。第一义谛，无有世谛境界作用，</p>
	癸一、约所依识以判二身	<p>但随众生见闻等故，而有种种作用不同。</p> <p>此用有二：</p> <p>一、依分别事识，谓凡夫、二乘心所见者，是名化身。此人不知转识影现，见从外来取色分限，然佛化身无有限量。</p> <p>二、依业识，谓诸菩萨从初发心，乃至菩萨究竟地心所见者，名受用身。</p> <p>身有无量色，色有无量相，相有无量好，所住依果亦具无量功德庄严，随所应见，无量无边，无际无断，非于心外如是而见。</p> <p>此诸功德，皆因波罗蜜等无漏行熏及不思議熏之所成就，具无边喜乐功德相故，亦名报身。</p>
	壬二、广明随机见别二	<p>又凡夫等所见，是其粗用；</p> <p>随六趣异种种差别，无有无边功德乐相，名为化身。初行菩萨见中品用，以深信真如故，得少分见。</p> <p>知如来身无去无来，无有断绝，唯心影现，不离真如。然此菩萨犹未能离微细分别，以未入法身位故。</p> <p>净心菩萨见微细用，如是转胜乃至菩萨究竟地中见之方尽。</p> <p>此微细用是受用身，以有业识见受用身。</p> <p>若离业识则无可见，一切如来皆是法身，无有彼此差别色相互相见故。</p>
	癸二、约机所见以判粗细	<p>问：若佛法身无有种种差别色相，云何能现种种诸色？</p> <p>答：以法身是色实体故，能现种种色，谓从本已来，色心无二。以色本性即心自性，说名智身。</p> <p>以心本性即色自性，说名法身。</p> <p>依于法身，一切如来所现色身，遍一切处无有间断。十方菩萨随所堪任，随所愿乐，见无量受用身、无量庄严土各各差别，不相障碍，无有断绝。</p> <p>此所现色身，一切众生心意识不能思量，以是真如自在甚深用故。</p>
壬三、结示真如妙用		<p>问：若佛法身无有种种差别色相，云何能现种种诸色？</p> <p>答：以法身是色实体故，能现种种色，谓从本已来，色心无二。以色本性即心自性，说名智身。</p> <p>以心本性即色自性，说名法身。</p> <p>依于法身，一切如来所现色身，遍一切处无有间断。十方菩萨随所堪任，随所愿乐，见无量受用身、无量庄严土各各差别，不相障碍，无有断绝。</p> <p>此所现色身，一切众生心意识不能思量，以是真如自在甚深用故。</p>

表 3-12: (15 表)【经卷上】疏卷四 戊三、结示不离分二

科判		论文	
戊三、结示不离分二	己一、正示观门分二	庚一、标意	<p>复次，为令众生从心生灭门入真如门故，</p> <p>令观色等相皆不成就。云何不成就？</p> <p>谓分析粗色渐至微尘，复以方分析此微尘，是故若粗若细一切诸色，唯是妄心分别影像，实无所有。</p> <p>推求余蕴渐至刹那，求此刹那相，别非一无为之法亦复如是，离于法界终不可得，如是十方一切诸法应知悉然。</p>
		庚二、明观	
	己二、喻显不二	<p>犹如迷人，谓东为西，方实不转；</p> <p>众生亦尔，无明迷故，谓心为动而实不动。</p> <p>若知动心即不生灭，即得入于真如之门。</p>	

表 3-13: (15 表)【经卷下】疏卷五 丁二、对治邪执分二

科判		论文		
丁二、对治邪执分二	戊一、总标二见		对治邪执者，一切邪执莫不皆依我见而起； 若离我见，则无邪执。 我见有二种：一、人我见，二、法我见。	
	己一、释人我见分二	庚一、正除我见	人我见者，依诸凡夫说有五种： 一者、如经中说： “如来法身究竟寂灭，犹如虚空。” 凡愚闻之不解其义，则执如来性同于虚空，常恒遍有。 为除彼执，明虚空相唯是分别，实不可得，有见有对待于诸色，以心分别说名虚空。 色既唯是妄心分别，当知虚空亦无有体，一切境相唯是妄心之所分别。 若离妄心，即境界相灭，唯真如心无所不遍。 此是如来自性如虚空义，非谓如空是常、是有。 二者、如经中说： “一切世法皆毕竟空，乃至涅槃真如法亦毕竟空。 本性如是离一切相。” 凡愚闻之不解其义，即执涅槃真如法唯空无物。 为除彼执，明真如法身自体不空，具足无量性功德故。 三者、如经中说： “如来藏具足一切诸性功德，不增不减。” 凡愚闻已不解其义，则执如来藏有色心法自相差别。 为除此执，明以真如本无染法差别，立有无边功德相非是染相。 四者、如经中说： “一切世间诸杂染法，皆依如来藏起。一切法不异真如。” 凡愚闻之不解其义，则谓如来藏具有一切世间染法。 为除此执，明如来藏从本具有过恒沙数清净功德，不异真如。 过恒沙数烦恼染法，唯是妄有，本无自性，从无始来未曾暂与如来藏相应。 若如来藏染法相应，而令证会息妄染者，无有是处。 五者、如经中说：“依如来藏有生死，得涅槃。” 凡愚闻之不知其义，则谓依如来藏生死有始； 以见始故，复谓涅槃有其终尽。 为除此执，明如来藏无有初际，无明依之生死无始。 若言三界外更有众生始起者，是外道经中说，非是佛教。 以如来藏无有后际，证此永断生死种子，得于涅槃亦无后际。	
			庚二、例破余见	依人我见四种见生，是故于此安立彼四。
			己二、释法我见分二	庚一、明起执之由
	庚二、明对治之法分二	辛一、正明	为除此执，明五蕴法本性不生，不生故亦无有灭，不灭故本来涅槃。 若究竟离分别执著，则知一切染法、净法皆相待立。 是故当知，一切诸法从本已来，非色非心，非智非识，非无非有，毕竟皆是不可说相。	
		辛二、释疑	而有言说示教之者，皆是如来善巧方便，假以言语引导众生，令舍文字入于真实。 若随言执义增妄分别，不生实智，不得涅槃。	

表 3-14: (15 表)【经卷下】疏卷五 丁三、分别修行正道相分二

科判			论文		
丁三、分别修行正道相分二	戊一、总标		分别修行正道相者，谓一切如来得道正因，一切菩萨发心修习令现前故。略说发心有三种相： 一、信成就发心，二、解行发心，三、证发心。		
	己一、释信成就发心分二	庚一、征起		信成就发心者，依何位，修何行，得信成就，堪能发心？	
		辛一、释信成就分二	壬一、正释成就	当知是人依不定聚，以法熏习善根力故，深信业果，行十善道，厌生死苦，求无上觉，值遇诸佛及诸菩萨承事供养，修行诸行，经十千劫信乃成就。 从是已后，或以诸佛菩萨教力，或以大悲，或因正法将欲坏灭，以护法故而能发心。 既发心已，入正定聚毕竟不退，住佛种性，胜因相应。	
			壬二、兼释未成	或有众生，久远已来善根微少，烦恼深厚覆其心故，虽值诸佛及诸菩萨承事供养，唯种人天受生种子，或种二乘菩提种子。或有虽求大菩提道，然根不定，或进或退。 或有值佛及诸菩萨供养承事，修行诸行，未得满足十千大劫，中间遇缘而发于心。遇何等缘？ 所谓或见佛形相，或供养众僧，或二乘所教，或见他发心。此等发心皆悉未定，若遇恶缘，或时退堕二乘地故。	
		壬一、释所发之心分二	癸一、正释	复次，信成就发心，略说有三： 一、发正直心，如理正念真如法故； 二、发深重心，乐集一切诸善行故； 三、发大悲心，愿拔一切众生苦故。	
			癸二、释疑	问：一切众生，一切诸法，皆同一法界，无有二相。据理但应正念真如，何假复修一切善行，救一切众生？ 答：不然。如摩尼宝，本性明洁，在矿秽中；假使有人勤加忆念，而不作方便，不施功力，欲求清净终不可得。 真如之法亦复如是，体虽明洁具足功德，而被无边客尘所染； 假使有人勤加忆念，而不作方便，不修诸行，欲求清净终无得理。 是故要当集一切善行，救一切众生，离彼无边客尘垢染，显现真法。	
		辛二、释发心分三	壬二、释发心之行		彼方便行略有四种： 一、行根本方便。 谓观一切法本性无生，离于妄见，不住生死；又观一切法因缘和合，业果不失，起于大悲，修诸善行，摄化众生，不住涅槃。 以真如离于生死涅槃相故。此行随顺以为根本，是名行根本方便。 二、能止息方便。 所谓惭愧及以悔过，此能止息一切恶法令不增长。 以真如离一切过失相故。随顺真如止息诸恶，是名能止息方便。 三、生长善根方便。 谓于三宝所起爱敬心，尊重供养，顶礼称赞，随喜劝请，正信增长，乃至志求无上菩提。 为佛法僧威力所护，业障清净，善根不退。 以真如离一切障，具一切功德故。随顺真如修行善业，是名生长善根方便。 四、大愿平等方便。 谓发誓愿尽未来际，平等救拔一切众生，令其安住无余涅槃。 以知一切法本性无二故，彼此平等故，究竟寂灭故。 随顺真如此三种相发大誓愿，是名大愿平等方便。
			戊二、各释分三		

表 3-15: (15 表)【经卷下】疏卷五 丁三、分别修行正道相分二

丁三、分别修行正道相分二	己一、释信成就发心分二	庚二、解释分二	辛二、释发心分三	壬三、释发心之益分三	癸一、约实明能	菩萨如是发心之时，则得少分见佛法身；能随愿力现八种事，谓从兜率天宫来下，入胎，住胎，出胎，出家，成佛，转法轮，般涅槃。	
					癸二、约权简过	然犹未得名为法身，以其过去无量世来有漏之业未除断故，或由恶业受于微苦，愿力所持，非久被系。有经中说，信成就发心菩萨，或有退堕恶趣中者，此为初学心多懈怠不入正位，以此语之，令增勇猛，非如实说。	
					癸三、以实破权	又此菩萨一发心后，自利利他，修诸苦行，心无怯弱，尚不畏堕二乘之地，况于恶道？若闻无量阿僧祇劫勤修种种难行、苦行，方始得佛，不惊不怖，何况有起二乘之心及堕恶趣？以决定信一切诸法从本已来性涅槃故。	
	己二、释行发心分二	庚一、明位		解行发心者，当知转胜，初无数劫将欲满故，于真如中得深解故，修一切行皆无著故。			
		庚二、明行		此菩萨知法性离悭贪相是清净施度，随顺修行檀那波罗蜜；知法性离五欲境无破戒相是清净戒度，随顺修行尸罗波罗蜜；知法性无有苦恼离瞋害相是清净忍度，随顺修行羼提波罗蜜；知法性离身心相无有懈怠是清净进度，随顺修行毗梨耶波罗蜜；知法性无动无乱是清净禅度，随顺修行禅那波罗蜜；知法性离诸痴闇是清净慧度，随顺修行般若波罗蜜。			
	戊二、各释分三	己三、释证发心分二	庚一、明分证分二	辛一、明所证分二	壬一、明证体	证发心者，从净心地乃至菩萨究竟地，证何境界？所谓真如。以依转识，说为境界；而实证中，无境界相。此菩萨以无分别智，证离言说真如法身故，	
					壬二、明起用	能于一念遍往十方一切世界，供养诸佛，请转法轮，唯为众生而作利益，不求听受美妙音词。或为怯弱众生故，示大精进，超无量劫速成正觉。或为懈怠众生故，经于无量阿僧祇劫，久修苦行方始成佛。如是示现无数方便，皆为饶益一切众生。而实菩萨种性、诸根、发心、作证，皆悉同等，无超过法，决定皆经三无数劫成正觉故。但随众生世界不同，所见所闻根欲性异，示所修行种种差别。	
				辛二、明心相		此证发心中有三种心： 一、真心，无有分别故； 二、方便心，任运利他故； 三、业识心，微细起灭故。	
		庚二、明满证分二	辛一、依权示相		又此菩萨福德、智慧，二种庄严悉圆满已，于色究竟，得一切世间最尊胜身；以一念相应慧，顿拔无明根，具一切种智，任运而有不思議业，于十方无量世界普化众生。		
			辛二、依实释疑分二	壬一、释一切种智疑	问：虚空无边故，世界无边；世界无边故，众生无边；众生无边故，心行差别亦复无边。如是境界无有齐限，难知难解。若无明断，永无心相，云何能了一切种，成一切种智？ 答：一切妄境从本已来，理实唯一心为性。一切众生执著妄境，不能得知一切诸法第一义性。诸佛如来无有执著，则能现见诸法实性，而有智慧显照一切染净差别，以无量无边善巧方便，随其所应利乐众生。是故妄念心灭，了一切种，成一切种智。		
壬二、释任运利生疑				问：若诸佛有无边方便，能于十方任运利益诸众生者，何故众生不常见佛，或睹神变，或闻说法？ 答：如来实有如是方便，但要待众生其心清净，乃为现身。如镜有垢，色像不现，垢除则现。众生亦尔，心未离垢，法身不现，离垢则现。			

表 4-1: (4 表)【经卷下】疏卷六 乙四、修信分二

科判		论文				
乙四、修信分二	丙一、正明修习信心分二	丁一、征	云何修习信分? 此依未入正定众生说。 何者为信心? 云何而修习?			
			戊一、释信心	信有四种: 一、信根本,谓乐念真如法故; 二、信佛具足无边功德,谓常乐顶礼、恭敬、供养,听闻正法,如法修行,回向一切智故; 三、信法有大利益,谓常乐修行诸波罗蜜故; 四、信正行僧,谓常供养诸菩萨众,正修自利利他行故。		
		丁二、释	戊二、释修习信心分二	己一、总标	修五门行,能成此信,所谓施门、戒门、忍门、精进门、止观门。	
					庚一、施门	云何修施门? 谓若见众生来从乞求,以己资财随力施与,舍自慳著,令其欢喜; 若见众生危难逼迫,方便救济令无怖畏; 若有众生而来求法,以己所解随宜为说。 修行如是三种施时,不为名闻,不求利养,亦不贪著世间果报,但念自他利益安乐,回向阿耨多罗三藐三菩提。
				庚二、戒门	云何修戒门? 所谓在家菩萨,当离杀生、偷盗、邪淫、妄言、两舌、恶口、绮语、慳贪、瞋嫉、谄诳、邪见。 若出家者,为欲折伏诸烦恼故,应离愤闹,常依寂静,修习止足、头陀等行; 乃至小罪心生大怖,惭愧悔责。 护持如来所制禁戒,不令见者有所讥嫌,能使众生舍恶修善。	
				庚三、忍门	云何修忍门? 所谓见恶不嫌,遭苦不动,常乐观察甚深句义。	
				庚四、精进门分二	辛一、总明精进意	云何修精进门? 所谓修诸善行,心不懈退。 当念过去无数劫来,为求世间贪欲境界,虚受一切身心大苦,毕竟无有少分滋味。 为令未来远离此苦,应勤精进不生懈怠,大悲利益一切众生。
					辛二、别示精进法	其初学菩萨虽修行信心,以先世来多有重罪恶业障故,或为魔邪所恼,或为世务所缠,或为种种病缘之所逼迫,如是等事为难非一,令其行人废修善品。 是故宜应勇猛精进,昼夜六时,礼拜诸佛,供养赞叹,忏悔劝请,随喜回向无上菩提,发大誓愿无有休息,令恶障销灭,善根增长。

表 4-2: (4 表)【经卷下】疏卷六 乙四、修信分二

乙四、修信分二	戊二、释修习分二	辛一、总标			云何修止观门? 谓息灭一切戏论境界是止义,明见因果生灭之相是观义。 初各别修,渐次增长,至于成就,任运双行。				
			癸一、明修相分三	子一、方便	其修止者,住寂静处,结跏趺坐,端身正意。				
				子二、正修	不依气息,不依形色,不依虚空,不依地、水、火、风,乃至不依见、闻、觉、知。 一切分别想念皆除,亦遣除想。 以一切法不生不灭皆无相故,前心依境次舍于境,后念依心复舍于心,以心驰外境摄住内心,后复起心不取心相。 以离真如不可得故,				
				子三、拣成不成	行住坐卧,于一切时如是修行恒不断绝,渐次得入真如三昧,究竟折伏一切烦恼,信心增长,速成不退。 若心怀疑惑,诽谤不信,业障所缠,我慢懈怠,如是等人所不能入。				
			辛二、各释分三	壬一、止分三	癸二、明证相分二	子一、证明证相		复次,依此三昧证法界相,知一切如来法身与一切众生身平等无二,皆是一相,是故说名一相三昧。 若修习此三昧,能生无量三昧,以真如是一切三昧根本处故。	
						子二、辨析魔事分二	丑一、示魔事相分三	寅一、明致魔之由	或有众生善根微少,为诸魔外道鬼神惑乱。
					寅二、明魔事之相分二			卯一、辨形声	或现恶形以怖其心; 或示美色以迷其意; 或现天形,或菩萨形,乃至佛形相好庄严; 或说总持;或说诸度; 或复演说诸解脱门、无怨无亲、无因无果,一切诸法毕竟空寂,本性涅槃;
								卯二、辨起过	或复令知过去、未来及他心事,辩才演说无滞无断,使其贪著名誉利养; 或数瞋数喜; 或多悲多爱;或恒乐昏寐; 或久不睡眠;或身婴疹疾; 或性不勤策;或卒起精进,即便休废; 或情多疑惑,不生信受; 或舍本胜行,更修杂业,爱著世事,溺情从好; 或令证得外道诸定,一日、二日乃至七日,住于定中得好饮食,身心适悦,不饥不渴; 或复劝令受女等色; 或令其饮食乍少乍多; 或使其形容或好或丑。
					寅三、明魔乱之失		若为诸见烦恼所乱,即便退失往昔善根。		
					丑二、示对治法分二		寅一、治邪	是故宜应审谛观察,当作是念: “此皆以我善根微薄,业障厚重,为魔鬼等之所迷惑。” 如是知己,念彼一切皆唯是心,如是思惟,刹那即灭,	
							寅二、归正	远离诸相,入真三昧; 心相既离,真相亦尽,从于定起诸见烦恼皆不现行,以三昧力坏其种故,殊胜善品随顺相续,一切障难悉皆远离,起大精进恒无断绝。	

表 4-3: (4 表)【经卷下】疏卷六 乙四、修信分二

乙四、修信分二	丙一、正明修习信心分二	丁二、释	戊二、释修习分二	己二、别释分五	庚五、止观门分三	辛二、各释分三	壬一、止分三	癸三、劝修分二	子一、正劝	若不修行此三昧者，无有得入如来种性。以余三昧皆是有相，与外道共，不得值遇佛菩萨故。 是故菩萨于此三昧当勤修习，令成就究竟。	
								子二、明益	修此三昧，现身即得十种利益： 一者、常为十方诸佛菩萨之所护念； 二者、不为一切诸魔恶鬼之所恼乱； 三者、不为一切邪道所惑； 四者、令诽谤深法重罪业障皆悉微薄； 五者、灭一切疑诸恶觉观； 六者、于如来境界信得增长； 七者、远离忧悔，于生死中勇猛不怯； 八者、远离憍慢，柔和忍辱，常为一切世间所敬； 九者、设不住定，于一切时、一切境中，烦恼种薄，终不现起； 十者、若住于定，不为一切音声等缘之所动乱。		
								癸一、明应修	复次，若唯修止，心则沉没，或生懈怠，不乐众善，远离大悲，是故宜应兼修于观。 云何修耶？		
								癸二、明修相分三	壬二、观分二	子一、四谛观	谓当观世间一切诸法生灭不停，以无常故苦，苦故无我。 应观过去法如梦，现在法如电，未来法如云，忽尔而起。 应观有身悉皆不净，诸虫秽污烦恼和杂。 观诸凡愚所见诸法，于无物中妄计为有。 观察一切从缘生法，皆如幻等，毕竟无实。 观第一义谛非心所行，不可譬喻，不可言说。 观一切众生从无始来，皆因无明熏习力故，受于无量身心大苦； 现在、未来亦复如是，无边无限，难出难度，常在其中不能觉察，甚为可愆。
									子二、弘愿观	如是观已，生决定智，起广大悲，发大勇猛，立大誓愿： “愿令我心离诸颠倒，断诸分别，亲近一切诸佛菩萨，顶礼供养，恭敬赞叹，听闻正法，如说修行，尽未来际无有休息，以无量方便拔济一切苦海众生，令住涅槃第一义乐。”	
									子三、起行观	作是愿已，于一切时，随己堪能，修行自利利他之行，行住坐卧常勤观察应作、不应作，是名修观。	
								壬三、双行	复次，若唯修观，则心不止息，多生疑惑，不随顺第一义谛，不出生无分别智，是故止、观应并修行。 谓虽念一切法皆无自性，不生不灭，本来寂灭，自性涅槃，而亦即见因缘和合，善恶业报不失不坏； 虽念因缘善恶业报，而亦即见一切诸法无生无性乃至涅槃。		

表 4-4: (4 表)【经卷下】疏卷六 乙四、修信分二

乙四、修信分二	丙一、 正明修 习信心 分二	丁二、 释	戊二、 释修 习分二	己二、 别释 分五	庚五、 止观 门分三	辛三、 结益	<p>然修行止者，对治凡夫乐著生死，亦治二乘执著生死而生怖畏。</p> <p>修行观者，对治凡夫不修善根，亦治二乘不起大悲狭劣心过。</p> <p>是故止、观互相助成，不相舍离。</p> <p>若止、观不具，必不能得无上菩提。</p>
	丙二、更示胜异方便分二		丁一、泛明念佛除障				<p>复次，初学菩萨住此娑婆世界，或值寒热、风雨不时、饥馑等苦；</p> <p>或见不善可畏众生，三毒所缠，邪见颠倒，弃背善道，习行恶法。</p> <p>菩萨在中心生怯弱，恐不可值遇诸佛菩萨，恐不能成就清净信心，生疑欲退者，应作是念：</p> <p>“十方所有诸佛菩萨，皆得大神通无有障碍，能以种种善巧方便，救拔一切险厄众生。”</p> <p>作是念已，发大誓愿，一心专念佛及菩萨。</p> <p>以生如是决定心故，于此命终必得往生余佛刹中，见佛菩萨，信心成就，永离恶趣。</p>
			丁二、的指求生极乐				<p>如经中说：</p> <p>“若善男子、善女人，专念西方极乐世界阿弥陀佛，以诸善根回向愿生，决定得生。”</p> <p>常见彼佛，信心增长，永不退转；</p> <p>于彼闻法，观佛法身，渐次修行得入正位。</p>

表 5: (1 表)【经卷下】疏卷六 乙五、利益分四

科判		论文
乙五、利益分四	丙一、总劝闻思修	<p>云何利益分？</p> <p>如是大乘秘密句义，今已略说。</p> <p>若有众生，欲于如来甚深境界广大法中，生净信见解心，入大乘道无有障碍，于此略论当勤听受、思惟、修习，当知是人决定速成一切种智。</p>
	丙二、别示闻思修功德	<p>若闻此法不生惊怖，当知此人定绍佛种，速得授记。</p> <p>假使有人化三千大千世界众生令住十善道，不如于须臾顷正思此法，过前功德无量无边。</p> <p>若一日一夜如说修行，所生功德无量无边，不可称说。</p> <p>假令十方一切诸佛，各于无量阿僧祇劫，说不能尽。</p> <p>以真如功德无边际故，修行功德亦复无边。</p>
	丙三、诫诽谤护大罪	<p>若于此法生诽谤者，获无量罪，于阿僧祇劫受大苦恼。</p> <p>是故于此应决定信，勿生诽谤，自伤害他断三宝种。</p>
	丙四、结示大乘功能	<p>一切诸佛依此修行成无上智，一切菩萨由此证得如来法身。</p> <p>过去菩萨依此得成大乘净信，现在今成，未来当成。</p> <p>是故欲成自利利他殊胜行者，当于此论勤加修学。</p>